

四庫全書

史部

欽定四庫全書

史部

欽定續通志卷三百四十八

中書_臣李采覆勘

總校官原任侍講臣王燕緒

欽定四庫全書

欽定續通志卷三百四十七

列傳

宋五十一

王安石

勞

王安禮

王安國

王安石字介甫撫州臨川人父益都官員外郎安石少好讀書過目不忘屬文動筆如飛見者服其精妙友生曾鞏攜以示歐陽修修為之延譽擢進士上第簽書淮

南判官舊制秩滿許求試館職安石獨否再調知鄞縣起堤堰決陂塘為水陸之利貸穀與民立息以償俾新陳相易邑人便之安石遂自以其術可行於天下其後

當國所措注皆本於此

按宋名臣言行錄引晁以道論配享劉子謂安石熙寧初為執

政所行之法皆本于此然知行於一邑則可不知行于天下不可也

通判舒州文彥博為

相薦安石恬退乞不次進用以激奔競之風尋召試館職不就修薦為諫官以祖母年高辭修以其須祿養言于朝用為羣牧判官請知常州移提點江東刑獄入為

度支判官時嘉祐三年也安石議論高奇能以辨博濟其說果于自用慨然有矯世變俗之志於是上萬言書以爲今天下財力困窮風俗衰壞患在不知法度不法先王之政因天下之力以生天下之財取天下之財以供天下之費自古治世未嘗以財不足爲公患也患在治財無其道爾願監苟且因循之弊後安石當國其所措注大抵皆祖此書俄直集賢院先是館閣之命屢下安石屢辭士大夫謂其無意于世恨不識其面朝廷每

欲畀以美官惟患其不就也明年同修起居注辭之累日閤門吏齎敕就付之拒不受吏隨而拜之則避于厠吏置敕于案而去又追還之上章至八九乃受遂知制

誥
伏讀通鑑輯覽

御批宋人動輒奏辭某官惡習相仍不復知有致身大義安石新進小臣乃齎敕就付堅拒不已甚且避之于厠不恭實甚迨徑除制誥遂不更辭則其狡黠邀榮心事畢露乃仁宗與在廷諸臣方且想望丰采惟恐其不就何其慎也

糾察在京刑獄自是不復辭官矣有少年得鬪鷄其儕求之不與恃與之昵輒持去少年追殺之開封當此人

死安石駁曰按律公取竊取皆為盜此不與而彼攜以去是盜也追而殺之是捕盜也雖死當勿論遂劾府司失入事下審刑大理皆以府斷為是詔放安石罪當詣閣門謝安石不肯御史舉奏之置不問時有詔舍人院無得申請除改文字安石爭之語皆侵執政終英宗世召不赴神宗在藩邸韓維為太子庶子薦安石自代甫即位命知江寧府數月召為翰林學士兼侍講熙寧元年始造朝入對帝問為治所先對曰擇術為先帝曰唐

太宗如何曰陛下當法堯舜何以太宗為哉帝曰卿可謂責難于君一日講席羣臣退帝留安石因言唐太宗必得魏徵劉備必得諸葛亮然後可以有為二子誠不世出之人也安石曰陛下誠能為堯舜則必有皋夔稷禹誠能為高宗則必有傳說彼二子者何足道哉登州婦人惡其夫寢陋夜以刃斷之傷而不死獄上朝議皆當之死安石獨以為合從謀殺減二等論帝從安石說遂著為令二年拜參知政事上問卿所施設以何先安

石曰變風俗立法度正方今之所急帝以為然于是設

制置三司條例司

伏讀通鑑輯覽

御批

什一而稅方冊可擬而謂之古非特什一是知聚歛之臣必恃獲邦之利口遂巧說以亂經而無所忌憚至剝民財以增利祿欲使人知自重可以省刑尤為謬見不思墨吏之所以病民者以其貪得無厭也即加之根其貪猶是及其既犯而繩之以法庶幾懲一儆百乃豫賜萬姓之膏以充百司之橐何異畏猛虎之噬人而先剝肉以啖之乎

令判知樞密事陳升之同領之安石令其黨呂惠卿預其事而農田水利青苗均輸保甲免役市易保馬方田諸役相繼並興號為新法遣提舉官四十餘輩頒行天

下青苗法者以常平糴本作青苗錢散與人戶令出息
二分春散秋斂均輸法者以發運之職改為均輸假以
錢貨凡上供之物皆得徙貴就錢用近易遠預知在京
倉庫所當辦者得以便宜蓄買保甲之法籍鄉村之民
二丁取一十家為保保丁皆授以弓弩教之戰陣

伏讀
通鑑

御批輯覽

保甲本周禮比閭遺意使民自相友助以收詰奸禁盜

之益有司徧籍考稽期無懈弛曠廢而已若督責過嚴人
皆畏其束縛頌苦則非所以保民而適以厲民且復授之
弓弩教之戰陣縣飲食耕鑿之倫使日從事于擊刺其為
綴來含業者不少矣柔悞者既無適於用桀驁者或因而

機

行之尤無益而有損是又泥需兵于免役之法據家貲高

下各令出錢顧人充役下至單丁女戶本來無役者亦
一槩輸錢謂之助役錢市易之法聽人賒貸縣官財貨
以田宅或金帛為抵當出息十分之二過期不輸息外
每月更加罰錢百分之二保馬之法凡五路義保願養
馬者戶一匹以監牧見馬給之或官與其直使自市歲
一閱其肥瘠死病者補償方田之法以東西南北各千
步當四十一頃六十六畝一百六十步為一方歲以九

月令佐分地計量驗地土肥瘠定其色號分為五等以地之等均定歲數

伏請通鑑輯覽

御批
此所見似是非而不知五方土性不齊所產亦異豈能強
而同之則壤成賦正期無悖於什一而止必欲方量均額
令佐履畝周行農氓已不勝其擾且自方帳以下多立科
條尤為煩瑣無當民間未得均賦之利又有免行錢者約
已受更張之害善為政者必不出此也

京師百物諸行利入厚薄皆令納錢與免行戶祇應自是四方爭言農田水利古陂廢堰悉務興復又令民封狀增價以買坊場又增茶鹽之額又設措置河北糴使

司廣積糧穀于臨流州縣以備饋運由是賦斂愈重使
天下騷然矣御史中丞呂誨論安石過失十事帝為出
誨安石薦呂公著代之韓琦諫疏至帝感悟欲從之安
石求去司馬光答詔有士大夫沸騰黎民騷動之語安
石怒抗章自辨帝為巽辭謝

伏讀通鑑輯覽

御批安石抗章神宗巽謝成何政體即安石果正人猶尚不
可而況不正乎嘗謂神宗之信安石有若病狂此亦宋室
治亂安危之所關有非人力之所能為者至趙抃素稱骨
鯁寧不知新法病民何未開出一言以救正及神宗因韓
琦奏諭罷青苗機有可乘非仍請俟安石之出是令呂惠
誠何心迨後悔恨求去所謂歟其泣矣何嗟及矣

卿諭旨韓絳又勸帝留之安石入謝因為上言中外大臣從官臺諫朝士朋比之情且曰姦人欲敗先王之正道以沮陛下之所為此所以紛紛也帝以為然安石乃視事琦說不得行安石與光素厚光援朋友責善之義三詒書反覆勸之安石不樂帝用光副樞密光辭未拜而安石出命遂寢公著雖為所引亦以請罷新法出知潁州言者相繼去驟用秀州推官李定為御史惠卿遭喪去安石未知所託得曾布信任之亞于惠卿三年拜

同中書門下平章事明年春京東河北有烈風之異民
大恐帝批付中書令省事安靜以應天變放遣兩路募
夫責有司郡守不以上聞者安石執不下開封民避保
甲有截指斷腕者知府韓維言之帝問安石安石曰此
固未可知就令有之亦不足怪今士大夫睹新政尚或
紛然驚異況于二十萬戶百姓固有蠢愚為人所感動
者豈應為此遂不敢一有所為耶帝曰民言合而聽之
則勝亦不可不畏也東明民或遮宰相馬訴助役錢安

石白帝曰知縣賈蕃乃范仲淹之婿好附流俗致民如是又曰治民當知其情偽利病不可示姑息帝用韓維為中丞安石憾曩言指為善附流俗以非上所建立因維辭而止歐陽修乞致仕馮京請留之安石曰修附麗韓琦以琦為社稷臣如此人在一郡則壞一郡在朝廷則壞朝廷富弼以格青苗解使相安石謂不足以阻姦至此之共鯨靈臺郎尤瑛言天久陰星失度宜退安石即黜隸英州唐垌本以安石引薦為諫官因請對極論

安石專作威福及曾布等表裏擅權凡六十事謫死文
彥博言市易與下爭利致華獄山崩安石曰華山之變
殆天意為小人發市易之起自為細民久困以抑兼井
爾於官何利焉闕其奏出彥博守魏禮部議正太廟太
祖東嚮之位安石獨定議遷僖祖于祧廟議者合爭之
弗得七年春天下久旱飢民流離帝憂形于色對朝嗟
歎欲盡罷法度之不善者安石曰水旱常數堯湯所不
免此不足招聖慮但當修人事以應之帝曰今取免行

錢太重人情咨怨至出不遜語自近臣以至后族無不言其害兩宮泣下憂京師亂起以為天旱更失人心安石曰近臣不知為誰若兩宮有言乃向經曹佾所為爾臣未之聞監安上門鄭俠上疏繪所見流民扶老携幼困苦之狀為圖以獻曰旱由安石所致去安石天必雨俠又坐竄嶺南慈聖宣仁二太后流涕謂帝曰安石亂天下帝亦疑之遂罷為觀文殿大學士知江陵府自禮部侍郎超九轉為吏部尚書呂惠卿服闋安石朝夕汲引

之至是白為叅知政事又乞召韓絳代己二人守其成
謨不少失時號絳為傳法沙門惠卿為護法善神而惠
卿寔欲自得政忌安石復來因鄭俠獄陷其弟安國又
起李士寧獄以傾安石絳覺其意密白帝請召之八年
二月復拜相安石承命即倍道來三經義成加尚書左
僕射兼門下侍郎以子雱為龍圖閣直學士雱辭惠卿
勸帝允其請由是嫌隙愈著惠卿為蔡承禧所擊居家
俟命雱風御史中丞鄧綰復彈惠卿與知華亭縣張若

濟為奸利事置獄鞠之惠卿出守陳十月彗出東方詔求直言及詢政事之未協于民者安石率同列疏言晉武帝五年彗出軫十年又有彗而其在位一十八年與乙巳占所期不合蓋天道遠先王雖有官占而所信者人事而已天文之變無窮上下傳會豈無偶合今星官所傳占書又世所禁謄寫譌誤尤不可知竊聞兩宮以此為憂望以臣等所言力行開慰帝曰聞民間殊苦新法安石曰初寒暑雨民猶怨咨此無庸恤帝曰豈若并

初寒暑雨之怨亦無邪安石不悅退而屬疾臥帝慰勉起之其黨謀曰今不取帝素所不喜者暴進用之則權輕將有窺人間隙者安石是其策

伏讀通鑑輯覽

御批

安石過惡所謂天變不足畏祖宗不足法人言不足恤

三言盡之至神宗強起復出專取帝所不喜之人驟加進

膽

用以示權勢其惡益明日張

帝喜其出悉從之時出師安

南謀得其露布言中國行青苗助役之法窮困生民我今出兵欲相拯濟安石怒自草敕榜詆之華亭獄久不成雱以屬門下客呂嘉問練亨甫共議取鄧綰所列

惠卿事雜他書下制獄安石不知也省吏告惠卿于陳
惠卿以狀聞且訟安石曰安石盡棄所學隆尚縱橫之
末數方命矯令罔上要君又發安石私書曰無使帝知
者帝以示安石安石謝無有歸以問雱雱言其情安石
咎之雱憤患疽發背死安石暴綰罪云為臣子弟求官
及薦臣壻蔡卞遂與亨甫皆得罪綰始以附安石居言
職及安石與呂惠卿相傾綰極力助攻惠卿帝頗厭安
石所為綰懼失勢屢留之于帝其言無所顧忌

伏讀通鑑輯覽

御批惠卿撰函請留蓋揣知神宗方衛用安石春注未衰欲
藉是以丐其援引且所行新法又皆其一力贊成故甘受
用其法善神之機耳後此得志執政可以害安石者無所不
國殃民貽千古罵名已也
亨甫險薄諂事雱以進至是皆斥安石屢謝

病求去

伏讀通鑑輯覽

御批安石奸狀敗露始為神宗所憎厭惡貫已盈鄧綰慮其
去而失勢上書為乞恩澤小人醜態畢現不復知有羞恥
安石聲言當黜蓋自揣恩遇已衰藉此表其公正仍出於
自圓計非由衷之論也綰即以此欺斥而安石亦不久罷
免心勞日拙作
偽果何益哉
及子雱死尤悲傷不堪力請解幾務罷為

鎮南軍節度使同平章事判江寧府明年改集禧觀使

封舒國公屢乞還將相印元豐三年復拜左僕射觀文
殿大學士換特進改封荊哲宗立加司空元祐元年卒
年六十八贈太傅紹興中謚曰文配享神宗廟庭崇寧
三年又配食文宣王廟列于顏孟之次追封舒王欽宗
時楊時以為言詔停之高宗用趙鼎呂聽問言停宗廟
配享削其王封初安石訓釋詩書周禮既成頒之學官
天下號曰新義晚居金陵又作字說多穿鑿傳會熙春
秋之書不使列于學官至目為斷爛朝報性強忤遇事

無可否自信所見執意不回至議變法在廷交執不可
安石傳經義出己意辯論輒數百言衆不能詘甚者謂
天變不足畏祖宗不足法人言不足恤罷黜中外老成
人幾盡

伏讀通鑑輯覽

御批

以六藝文誣言者王莽也安石繼之莽流毒百姓二十
餘年光武起而拯之遂以寧謐安石則禍肇熙寧訖廢欽
猶未艾北狩南渡皆一人兆

其機

即謂其罪浮于莽可也

子雱

雱字元澤為人慄悍陰刻無所顧忌性敏甚未冠已著
書數萬言年十三得秦卒言洮河事歎曰此可撫而有

也使西夏得之則吾敵彊而邊患博矣其後王韶開熙河安石力主其議蓋兆于此舉進士調旌德尉雱氣豪睥睨一世不能作小官作策二十餘篇極論天下事時安石執政所用多少年雱亦欲預選安石欲帝知而自用乃以雱所作策及注道德經鏤板鬻于市遂傳達于帝鄧綰曾布又力薦之召見除太子中允崇政殿說書神宗數留與語受詔註詩書義擢天章閣待制兼侍講書成遷龍圖閣直學士以病辭不拜安石更張政事雱

實導之常稱商鞅為豪傑之士言不誅異議者法不行

安石與程顥語霽囚首跣足攜婦人冠以出問父所言

何事曰以新法數為人所阻故與程君議霽大言曰梟

韓琦富弼之頭于市則法行矣安石遽曰兒悞矣

伏讀通鑑

御批輯覽

安石霽父子濟惡固君子之所棄然囚首跣足攜婦人

冠以見其父於對客之時此或出於惡習歸之之口未免已甚且安石乃偽為名高之人亦豈肯容其子如是哉

卒時纔三十三特贈左諫議大夫

王安禮字和甫安石之弟也早登科從河東唐介辟熙

寧中郤延路城婁鄂特河東發民四萬負餉宣撫使韓絳檄使佐役後帥呂公弼將從之安禮爭曰民兵不習武事今歐之深入此不為寇所乘則凍餓而死爾宜亟罷遣公弼用其言民得歸而他路遇敵者全軍皆覆公弼薦于朝神宗召對欲驟用之安石當國辭以為著作佐郎崇文院校書他日得見命之坐有司言八品官無賜坐者特命之遷直集賢院出知潤州湖州召為開封府判官嘗偕尹奏事既退獨留訪以天下事帝甚鄉納

直舍人院同修起居注蘇軾下御史獄安禮從容言自古大度之主不以言語罪人軾以才自奮今一旦致于理恐後世謂陛下不能容才帝曰朕固不深譴也行爲卿貴之軾以故得輕比進知制誥彗星見詔求直言安禮上疏曰人事失于下變象見于上意者左右大臣不均不直謂忠者為不忠不賢者為賢乘權射利者用力殫于溝瘠取利究于園夫足以干陰陽而召星變願察親近之行杜邪枉之門至于祈禳小數貶損舊章恐非

所以應天者帝覽數嘉歎以翰林學士知開封府事至
立斷前滯訟不得其情及具按而未論者幾萬人安禮
剖決未三月三獄院及畿赤十九邑囚繫皆空書揭于
府遼使過而見之歎息誇異帝聞之喜特升一階帝數
失皇子太史言民墓多迫京城故不利國嗣詔悉改卜
無慮數十萬計衆洵懼安禮諫曰文王卜世三十其政
先於掩骼埋胔未聞遷人之冢以利其嗣者帝惻然而
罷邏者連得匿名書告人不軌所涉百餘家帝付安禮

治之安禮驗所指皆畧同最後一書加三人有姓薛者
安禮呼問曰若豈有數不快者耶曰有持筆來售者拒
之鞅鞅去其意似見衙即命捕訊果其所為也即梟其
首于市不逮一人京師謂神明宗室令駢以數十萬錢
買妾久而斥歸之訴府督元直安禮視妾既灸敗其面
矣即奏言此與炮烙之刑何異請勿理其直而加厚譴
以為戒詔從之仍奪令駢俸後宮造油箔約三年損者
反其價纔一年有損者中官特詣府請如約安禮曰庸

詎非置之不得其地為風雨燥濕所壞耶苟如是民將無復得直卒不追以是宗室中貴人皆憚之元豐四年初分三省置執政拜中大夫尚書右丞轉左丞王師問罪夏國經原承受梁同奏轉運使葉康直餉米惡不可食帝大怒安禮曰此一梁同之言疑未必實當按之乃遣判官張大寧與同叅覈且械繫康直以俟既而可用者什八九帝意解赦康直是時代夏不得志李憲又欲再舉帝以訪輔臣王珪曰向所患者用不足朝廷今捐

錢鈔五百萬緡以供軍食有餘矣安禮曰鈔不可敝必
變而為錢錢又變為芻糧今距西征之期纔兩月安能
集事帝曰李憲以為已有備彼宦者能如是卿等獨無
意乎唐平淮蔡唯裴度謀議與主同今乃不出公卿而
出于閹寺朕甚恥之安禮曰淮西三州爾有裴度之謀
李光顏李愬之將然猶引天下之兵力歷歲而後定今
夏氏之彊非淮蔡比憲材非度匹諸將非有光顏愬輩
臣懼無以副聖意也

伏讀通鑑輯覽

御批西夏之罪浮于淮蔡廷臣乃無一人效裴度贊成謀畫者且謂諸將非有光顏翹此其憚于行師沮撓不遺餘力宜神宗有不出公卿而出于闐寺之謂也公卿既無足與謀轉以闐寺能盡心而任之國事未有不日壞者明宗預之亡國正復坐此然其時之公卿亦足見無一有人心者矣帝悟而止後欲除憲節度

使安禮又以為不可徐禧計議邊事安禮曰禧志大才疏必誤國及永樂敗書聞帝曰安禮每勸朕勿用兵少置獄蓋為是也久之御史張汝賢論其過以端明殿學士知江寧府元祐中加資政殿學士歷揚青蔡三州又為御史言失學士移舒州紹聖初還職知永興軍二年

知太原府苦風痺臥帳中決事下不敢欺卒年六十二
贈右銀青光祿大夫安禮偉風儀論議明辨常以經綸
自任而闊畧細謹以故數貽口語云

王安國字平甫安禮之弟也幼敏悟未嘗從學文詞天
成年十二遂以文章聞于世於書無所不通數舉進士
又舉茂材異等有司考其所獻序言為第一以母喪不
試廬于墓三年熙寧初韓絳薦其材行召試賜及第除
西京國子教授官滿至京師帝以安石故賜對帝曰漢

文帝何如主對曰三代以後未有也帝曰但恨其才不能立法更制爾對曰文帝自代來入未央宮定變故俄頃呼吸間恐無才者不能至用賈誼言待羣臣有節專務以德化民海內興于禮義幾致刑措則文帝加有才一等矣帝曰王猛佐苻堅以蕞爾國而令必行今朕以天下之大不能使人何也曰猛教堅以峻刑法殺人致秦祚不傳世今刻薄小人必有以是誤陛下者願願以堯舜三代為法則下豈有不從者乎又問卿兄秉政外

論謂何曰恨知人不明聚斂太急耳帝默然不悅由是
別無恩命止授崇文院校書後改秘閣校理屢以新法
力諫安石又質責曾布誤其兄深惡呂惠卿之姦先是
安國教授西京頗溺於聲色安石在相位以書戒之曰
宜放鄭聲安國復書曰亦願兄遠佞人惠卿銜之及安
石罷相惠卿遂因鄭俠事陷安國坐奪官放歸田里既
而復其官命下而安國卒年四十七

欽定續通志卷三百四十七

欽定四庫全書

欽定續通志卷三百四十八

列傳

宋 五十二

李清臣

安燾

張璪

蒲宗孟

黃履

蔡挺

抗

王詔

厚
案

薛向

張杲

常秩

鄧綰

洵武

李定

舒亶

蹇周輔

序辰

王廣淵

王陶

王子韶

李清臣字邦直魏人也七歲知讀書經目輒誦舉進士
調邢州司戶參軍和川令歲滿薦者踰十數應材識兼
茂科治平二年試祕閣考官韓維曰荀卿氏筆力也置
第一時大雨霖災異數見論者歸咎濮議及廷對清臣
言天地之大譬如人一身腹心肺腑有所攻塞則五官
為之不寧民人生聚天地之腹心肺腑也日月星辰天

地之五官也善止天地之異者不止其異止民之疾痛而已策入等以祕書郎簽書平江軍判官名聲籍甚既而詔舉館閣歐陽修薦之得集賢校理同知太常禮院使韓絳使陝西慶卒亂家屬九指揮應誅清臣請於絳配與為奴婢絳坐貶清臣亦通判海州

按晁補之撰清臣行狀云韓絳

宣撫陝西奏公掌機密文字慶州兵亂其家屬應誅者凡九指揮公言慶兵造意不謀妻子宜用恩州故事配隸將士為奴婢絳從之及絳貶公曰我豈負韓公者因通判海州又東都事畧云韓絳宣撫陝西奏清臣為屬還太子中允檢正中書吏房公事久之還故官出提點絳貶清臣因還所還官通判海州

京東刑獄齊魯盜賊為天下劇設耳目方畧名捕且盡作韓琦行狀神宗讀之曰良史才也召為兩朝國史編修官撰河渠律歷選舉諸志同修起居注進知制誥翰林學士授朝奉大夫六年拜尚書右丞哲宗即位轉左丞時熙豐法度一切釐正清臣固爭之罷為資政殿學士知河陽徙河南永興改知真定府拜中書侍郎紹聖元年廷試進士清臣發策主意皆絀元祐之政策士悟其指於是紹述之論大興國是遂變范純仁去位清臣

獨穎中書亟復青苗免役法除諸路提舉官覲為相顧
蘇轍軋已迺摘轍嘗以漢武比先帝激上怒轍罷時召
章惇未至清臣心益覲之已而惇入相復與為異惇既
逐諸臣并籍文彥博呂公著以下三十人將悉竄嶺表
清臣曰更先帝法度不為無過然皆累朝元老若從惇
言必大駭物聽帝乃揭榜朝堂置餘人不問廊延路金
明砦主將張興戰沒惇怒議盡戮全軍四十人清臣曰
將死亦多端或先登爭利或輕身入敵令悉誅吏士異

時亡將必舉軍降虜矣於是但誅牙兵十六輩上幸楚
王第有狂婦人遮道叫呼告清臣謀反御史捕治本澶
州娼而為清臣姑子田氏外婦者清臣不能引去用御
史言以大學士知河南尋落職知真定府初蔡確子渭
上書訴父冤造奇譖以陷劉摯罪清臣心知其誣弗之
省坐奪學士徽宗立入為門下侍郎僕射韓忠彥與之
有連惟其言是聽出范純理張舜民不使呂希純劉安
世入朝皆其謀也尋為曾布所陷出知大名府而卒贈

金紫光祿大夫後朝議以復孟后罪追貶武安軍節度副使再貶雷州司戶參軍

安燾字厚卿開封人登第調蔡州觀察推官至太常丞主管大名府路機宜文字用歐陽修薦為祕閣校理判吏部南曹荆湖北路轉運判官提點刑獄兼常平農田水利差役事時方興新法奉行之吏或迎合求進司農符檄日夜下如免役增寬贖造簿供手實青苗責保任追胥苛切其類旁午燾平心奉法列其太甚於朝移使

京東路過闕入見留檢正中書孔目房修起居注元豐
初高麗新通使假燾左諫議大夫往報之高麗迎勞館
餼有加禮使還即授所假官兼直學士院知審刑院決
部滯訟五百餘案因言每蔽獄上省輕重有疑法官顧
避稽停請自今以疑獄讞者皆得輕論從之求知陳州
還為龍圖閣直學士判軍器監命館遼使方宴迎郊至
肆儀將見逮辭日悉令如儀或謂細故無足較燾曰契
丹喜嘗試人其漸不可長也俄權三司使改戶部尚書

六年同知樞密院夏人款塞乞還侵疆燾言地有非要
害者固宜予然羌情無厭當使知吾宥過而息兵不應
示以厭兵之意哲宗立復仍前議二府遂欲并棄熙河
燾固爭之於是但以葭蘆等四砦歸之蔡確輩更用事
燾循循其間不能有所建明元祐二年進知院事時復
洮河擒果莊青宜結二邊少清而並塞猶苦寇掠燾言
為國者不可好用兵亦不可畏用兵好則疲民畏則遺
患今朝廷每戒疆吏非舉國入寇毋得應之則固畏用

兵矣雖僅保障戍實墮其計中願復講攻擾之策且乾
順幼豎梁氏擅權族黨酋渠多反側顧望若有以離間
之未必不回戈而復怨此一奇也其後夏人自相攜貳
使來修貢悉如熹策大河北流宰相主水官議必欲回
之東注熹以河流入灤淀久必淤淺恐河朔無以禦敵
遂上言曰自小吳未決之前河雖屢徙而盡在中國故
京師得以為北限今決而西則河尾益北如此不已將
南岸遂屬敵界若彼建橋梁守以州郡窺兵河外可為

寒心今水官之議不過論地形較功費而獻納之臣不
考利害輕重徒便於治河而以設險為緩非至計也帝
雖然之而回河之議紛起東北蕭然煩費功亦不就三
年同列皆序遷且新用執政燾獨如初詔增其兩秩燾
懇辭不受以母憂去卒喪拜觀文殿學士知鄭州徙潁
昌及河南府入為門下侍郎宣仁之喪詔宗室為三年
服才越歲章惇拜相欲革為期燾爭之曰上以先后保
佑之久追崇如恐不盡茲用明道故實耳遽改之播諸

天下非佳聲也乃止燾與惇布衣交覬其助已燾不肯少下之陽翟民蓋漸有財訟而與諫官來之邵交通開封得其事惇右之邵欲薄其罪燾不可復欲并劾開封燾又不可遂與惇隙諫官常安民言教坊不當於相國寺作樂帝怒欲逐安民燾為救釋惇遂譖其相表裏出知鄭州徙大名徽宗立復知樞密院舊制內侍出使以所得旨言於院審實乃得行後多輒去燾請按治之都知閹守勲領他職祈罷不以告亦劾之帝敕守勲詣燾

謝郝隨得罪或揣上意且起用欲援郝為階亦爭之以
老避位帝將罷以觀文殿大學士有間之者曰是宰相
恩典也但以學士知河南將行上疏曰自紹聖元符以
來用事之臣持紹述之名誣惑君父熙寧元豐之間中
外府庫無不充衍紹聖以還傾竭以供邊費使軍無見
糧吏無月俸公私虛耗未有甚於此時而反謂紹述豈
不為厚誣哉願陛下監之勿使飾偏辭而為身謀者復
得行其說又言東京黨禍已萌願戒履霜之漸語尤激

切初建青唐邈川為湟州

按邈川青唐各自為地考宋史地理志樂州舊邈川城元

符二年收復建為湟州西寧州舊青唐城元符二年隆贊降建為鄯州本傳非悞合為一即係脫去鄯州二字

茲仍存史原文以附考 戌守困於供億議者以為可棄燾在樞府

奏還之崇寧元年議其罪降端明殿學士再貶寧國軍節度副使漢陽軍安置湟州復又降祁州團練副使鄯州之復又移建昌軍然棄鄯州時燾居憂不預也終不敢自明閱再歲始復通議大夫還洛卒年七十五後五歲悉還其官職子扶靖康時為給事中金人入京師責

取金帛扶與梅執禮陳知質程振皆見殺

張璪初名琥字遂明滁州全椒人洎之孫也早孤鞠於兄環欲任以官辭不就未冠登第歷鳳翔法曹緡雲令王安石與環善既得政將用之而環已老乃引璪同編修中書條例授集賢校理知諫院直舍人院楊繪劉摯論助役安石使璪為文諭之辭由是忤安石意神宗欲命璪知制誥安石薦用布以璪同修起居注坐奏事不實解三職已而復之時建議武學璪言古之太學舞干

習射受成獻功文武之才皆自此出未聞偏習其一者也請無問文武之士一養於太學以集賢殿修撰知蔡州復知諫院兼侍御史知雜事盧秉行鹽法於東南操持峻急一人抵禁數家為黥徙且破產以償告捕二年中犯者萬人璪條列其狀又言行役法以來最下戶亦每歲納錢乞度寬羨數均損之以惠貧弱後皆施行鄭俠事起璪媚呂惠卿劾馮京與俠交通致京於罪判司農寺出知河陽元豐初入權度支副使遂知制誥知諫

院判國子監薦蔡卞可為直講建增博士弟子員月書
李攷歲校以行藝次升立齋舍八十二其議多自瑛發
之蘇軾下臺獄瑛與李定雜治謀傳致軾於死詳定郊
廟奉祀禮文議者多以國朝未嘗躬行方澤之禮為非
正詔議更制瑛請於夏至之日備禮容樂舞以冢宰攝
事按東都事畧瑛建言天地合祭議者不一竊謂陽生
於十一月陰生於五月以冬至日祀天於地上之圓
丘夏至日祭地於澤中之方丘此萬世之不可易也謂
宜即郊祀之歲於夏至之日盛禮容具樂舞遣冢宰攝
事雖未能當於理庶幾先王之遺意猶有存者自是南郊北郊之議興焉
帝曰在今所宜無

以易此事行其說為翰林學士詳定官制以寄祿二十四階易前日省寺虛名而職事名始正四年拜參知政事改中書侍郎哲宗立諫官御史合攻之謂瑛姦邪便佞善窺主意隨勢所在而依附之往往以危機陷人深交舒亶數起大獄天下共知其為大姦疏入皆不報最後劉摯言瑛初奉安石旋附惠卿隨王珪黨章惇諂蔡確數人之性不同而能探情變節左右從順各得其歡心今過惡既章不可不速去如是踰歲乃以資政殿學

士知鄭州徙河南定州大名府進大學士知揚州以卒
贈右銀青光祿大夫謚曰簡翼

蒲宗孟字傳正閬州新井人第進士調夔州觀察推官
治平中水災地震宗孟上書斥大臣及宮禁宦寺熙寧
元年改著作佐郎召試學士院以為館閣校勘檢正中
書戶房兼修條例進集賢校理時三司新置提舉帳司
官祿豐地要人人欲得之帝命與宗孟命察訪荆湖西
路奏罷辰沅役錢及湖南丁賦遠人賴之呂惠卿制手

實法然猶許災傷五分以上不預宗孟言民以手實上其家之物產而官為注籍以正百年無用不明之版圖而均齊其力役天下良法也初無所擾何待豐歲願詔有司勿以豐凶弛張其法從之民於是益病俄同修起居注直舍人院知制誥帝又稱其有史才命同修兩朝國史為翰林學士兼侍讀特加佩魚遂著為令樞密都承旨張誠一預書局事挾中旨以脅同列宗孟持其語質帝前因叩頭白其姦帝察其不阿拜尚書左丞帝嘗

語輔臣有無人才之歎宗孟率爾對曰人才半為司馬
光邪說所壞帝不語直視久之曰蒲宗孟乃不取司馬
光邪未論別事只辭樞密一節朕自即位以來唯見此
一人他人則雖迫之使去亦不肯矣宗孟慚懼至無以
為容僅一歲御史論其荒於酒色及繕治府舍過制罷
知汝州踰年加資政殿學士徙毫杭鄆三州鄆介梁山
漕素多盜宗孟痛治之雖小偷微罪亦斷其足筋盜雖
為衰止而所殺不可勝計方徙河中御史以慘酷劾奪

職知虢州明年復知河中還其職帥永興移大名宗孟
厭苦易地復求河中卒年六十六

黃履字安中邵武人少游太學舉進士調南京法曹又
為高密廣平王二宮教授館閣校勘同知禮院擢監察
御史裏行辭御史改崇政殿說書兼知諫院神宗嘗詢
天地合祭是非對曰國朝之制冬至祭天圜丘夏至祭
地方澤每歲行之皆合於古猶以有司攝事未足以盡
於是三歲一郊而親行之所謂因時制宜者也合祭之

非在所當正然今日禮文之失非獨此也願敕有司正羣祀為一代損益之制詔置局詳定命履董之北郊之議遂定同修起居注進知制誥同修國史遭母憂去服除以禮部尚書召對閩省苦鹽法

按宋時稱福建路無閩省名應係後人傳

寫之訛

神宗謂履自閩來將以為決履乃陳法甚便遂不

復革鄉論鄙之遷御史中丞履以大臣多因細故罰金遂言罪在可議黜之可也可恕釋之可也豈可罰以示辱時又制侍郎以下不許獨對履言陛下博訪萬務雖

遠外微官猶令獨對顧於侍從乃弗得邪遂刊其制御

史瞿思

按東都事
畧作瞿忠

言事有旨詰所自來履諫曰御史以

言為職今乃究其自來則人將懲之臺諫不復有聞矣

恐失開言路之意事乃寢哲宗即位徙為翰林學士履

素與蔡確章惇邢恕相交結每確惇有所嫌惡則使恕

道風旨於履履即排擊之至是更自謂有定策功劉安

世發其罪以龍圖閣直學士知越州坐舉御史不當降

天章閣待制歷舒洪蘇鄂青州江寧應天潁昌府紹聖初

復龍圖閣直學士為御史中丞極論呂大防劉摯梁燾垂簾時事乞正典刑又言司馬光變更先朝已行之法為罪先是北郊之論雖定猶不果行履又建言聖人因天祀天因地祀地三代至漢其儀不易及王莽詔事元后遂躋地位同席共牢歷世襲行不能全革逮神宗考古揆今以正大典嘗有意於茲矣今承先志當在陛下及二三執政哲宗詢諸朝章惇以為北郊止可謂之社履曰天子祭天地蓋郊者交於神明之義所以天地皆

稱郊故詩序云郊祀天地若夫社者土之神而已豈有
祭大祇亦謂之社乎哲宗可之遂定郊議拜尚書右丞
會正言鄒浩以言事貶新州履曰浩以親被拔擢之故
敢犯顏納忠陛下遠斥之死地人臣將視以為戒誰復
敢為陛下論得失乎乞徙善地坐罷知亳州徽宗立召
為資政殿學士兼侍讀復拜右丞未踰年求去加大學
士提舉中太一宮卒

蔡挺字子政宋城人第進士調慶州推官

按宋史本傳
作慶州東都

事畧作慶州考宗史地理志
有慶州無慶州今據事畧改

秩滿授陵州團練推官王

堯臣安撫陝西辟管勾文字范仲淹宣撫陝西河東奏
挺通判涇州徙鄜州河北多盜以挺知博州申飭屬縣
嚴保伍得居停姦盜者數人使之察警盜每發輒得均
博平聊城二縣稅歲衍鉅萬三司下其法於四方然大
抵增賦也為開封府推官提點府界公事部修六塔河
用李仲昌議塞北流入於六澤

按東都事畧作六塔考
宋史河渠志亦作六塔

一夕復決兵夫芟捷漂溺不可計降知滁州言者以為

輕乃貶秩停官越數歲起知南安軍提點江西刑獄提
舉虔州監江閩鹽賊率十百為州縣害挺諭所部與期
使首納器甲原其罪得兵械萬計官鹽惡而價貴盜鹽
善而價且下私販日滋挺簡僚吏至淮轉新鹽明殿賞
以官數之餘畀之於是賊黨破散宿弊遂絕歲增賣鹽
四十萬改陝西轉運副使進直龍圖閣知慶州因上書
論攻守大計夏人大入挺盡斂邊戶入保戒諸砦無出
戰諒祚親帥軍數萬攻大順挺料城堅不可破而桑遠

城寇亟遣總管張玉將銳師守之先布鐵蒺藜大順城
旁水中騎渡水多躡驚言有神諒祚督帳下決戰挺伏
強弩壕外飛矢貫其鎧遂引却移寇柔遠五夜斫營夏
人驚擾潰去環州熟羌思順投諒祚為鄉導挺宣言思
順且復來命葺其舊舍出兵西為迎候之舉諒祚果疑
思順毒之死挺築城馬練平為荔原堡分屬羌三千人
守之神宗即位加天章閣待制知渭州籍禁兵悉還府
不使有隱占建勤武堂五日一訓之甲兵整習常若寇

至又分義勇為伍番三千人參正兵防秋與春以八月
正月集四十五日而罷歲省粟帛錢緡十三萬有奇括
並邊生地冒耕田千八百頃

按東都事畧作
四千八百頃

募人佃種

以益邊儲取邊民闡市蕃部田八千頃以給弓箭手又
築城定戎軍為熙寧砦開地二千頃募卒三千人耕守
之謀告夏人侯胡盧河挺出奇兵迎擊之夏人潰分諸
將躡而討之蕩其七族進右諫議大夫賜金帛夏人復
犯諸砦環慶兵不能禦挺遣張玉以萬人往解其圍慶

州軍變挺討平之進龍圖閣直學士卒徙營衆憚遷欲
為亂城中震擾挺推斬首惡十九人訖徙蕃部歲饑以
田質於弓箭手過期輒沒挺為資官錢歲息什一後遂
推為蕃漢青苗助役法又自以意製渡河大索及兵械
皆獲其用熙寧五年拜樞密副使帝問挺涇原訓兵之
法召部將按於崇政殿下以為諸郡法契丹議雲中地
挺請罷沿邊戍人示以無事因乞置三十七將皆行其
策七年冬奏事殿中疾作罷為資政殿學士判南京留

司御史臺元豐二年薨年六十六贈工部尚書謚曰敏肅挺諱而多知人莫能窺其城府在渭久鬱鬱不自聊寓意詞曲有五闕人老之歎中使至則使優伶歌之以達於禁掖神宗愍焉遂有樞密之拜云兄抗

抗字子直中進士調太平州推官聞父疾委官去稍遷睦親宅講書英宗在官卽器重之請於安懿王願得與游每見必衣冠盡禮義兼師友再遷太常博士通判秦州為祕閣校理乞知蘇州州並江湖民田苦風潮害抗

築長隄自城屬崑山亘八十里民得立塍塲大以為利
徙廣東轉運使岑水銅冶廢官給虛券久不償人無所
取資抗盡給之番禺歲運鹽英韶道遠多侵竊雜惡抗
命十舸為一運擇官主之歲終會其殿最增十五萬緡
英宗立召為三司判官及入對諭曰卿乃吾故人朕望
於卿者厚勿以常禮自疎也以史館修撰同知諫院
兼起居舍人同知諫院都事畧作以為工部郎中
方議安懿王典禮抗引禮為
人後之誼指陳切至涕淚被面帝亦感泣都城大水抗

推原變異在濮園議大臣畏其諫列白為知制誥遷龍圖閣直學士知定州命為太子詹事未至而神宗立改樞密直學士知秦州過闕帝見之悲慟不自勝曰先帝疾大漸猶不忘卿遂赴鎮秦有質院質諸羌百餘人自少至老扁繫之非死不出抗皆縱釋約毋得擅相仇殺莫敢奸令驟得疾卒特贈禮部侍郎

王韶字子純江州德安人第進士調新安主簿建昌軍司理參軍客游陝西訪采邊事熙寧元年詣闕上平戎

策三篇其畧以為欲取西夏當先復河湟則夏人有腹背受敵之憂夏人比年攻青唐不得克萬一克之必併兵南向大掠秦渭之間牧馬於蘭會斷克渭境盡服南山生羌西築武勝遣兵時掠洮河則隴蜀諸郡當盡驚擾武威之南至於洮河蘭鄯皆故漢郡縣所謂湟中浩亶大小榆袍罕土地肥美宜五種幸今諸羌瓜分莫相統一此正可并合而兼撫之時也諸種既服則嘉勒氏敢不歸而河西李氏在吾股掌中矣且嘉勒氏子孫棟

戩差盛為諸羌所畏

按宋史本傳作轄珍差盛考神宗時棟戩尚在其孫轄珍於元祐三

年始嗣立此時為諸羌所畏者不得指為轄珍詳具下案

若招諭之使居武勝或渭

源城使糾合宗黨制其部族習用漢法為肘腋之助且

使夏人無所連結策之上也神宗異其言召問方畧以

韶管幹秦鳳經畧司機宜文字蕃部俞龍珂在青唐最

大渭源羌與夏人皆欲羈屬之諸將議先致討韶因按

邊引數騎直抵其帳諭其成敗遂留宿明旦兩種皆遣

其豪隨以東久之龍珂率屬十二萬口內附所謂包順

者也韶又言渭源至秦州良田不耕者萬頃願置市易
司頗籠商賈之利取其贏以治田帝從其言改著作佐
郎仍命韶提舉經畧使李師中言韶乃欲指古極邊弓
箭手地耳又將移市易司於古渭恐秦州自此益多事
所得不補所亡王安石主韶議為罷師中以竇舜卿代
且遣李若愚按實若愚至問田所在韶不能對舜卿檢
索僅得地一頃既地主有訟又歸之若愚奏其欺安石
又為罷舜卿而命韓縝縝遂附會實其事師中舜卿皆

坐謫而韶為太子中允秘閣校理後帥郭逵上韶盜貸
市易錢安石以為不足校徙遠涇源帝志復河隴築古
渭為通遠軍以韶知軍事五年七月引兵城渭源堡及
乞神平破蒙羅嘉勒瑪爾瑞巴等族初羌保險諸將謀
置陣平地韶曰當使險為吾有乃徑趣瑪爾邦山壓敵
軍而陣令曰敢言退者斬賊乘高下鬪師小却韶躬披
甲胄麾帳下兵逆擊之羌大潰焚其廬帳而還洮西大
震會摩展渡洮為之援

按宋史本傳作會轄珍渡洮為之援東都事畧作摩展考轄珍

係棟戡之孫阿里庫之子詔用兵時棟戡尚在轄珍並未任事即宋史外國傳中亦不載轄珍與王韶攻戰摩展係棟戡之姪別為部落是時棟戡既納款奉貢前後抗戰自是摩展而非轄珍又考轄珍於元符二年以王贍攻敗來降摩展則以熙寧七年敗於王韶後舉二州來降神宗本紀熙寧七年亦言王韶發摩展赴闕本傳所謂窮蹙乞降者是也此下轄珍俱照事畧改摩展

餘黨復集詔命別將由竹牛

嶺路張軍聲而潛師越武勝遇摩展首領轄裕勒

按宋史本

傳舊作轄菱東都事畧作轄藥與轄裕勒對音較近今據改正

等與戰破之遂城武勝

建為鎮洮軍進右正言集賢殿修撰復擊走摩展降其部落二萬更名鎮洮為熙州以熙河洮岷通遠為一路

韶以龍圖閣待制知熙州六年三月取河州遷樞密直學士降羌叛韶回軍擊之摩展以其間據河州韶進破格諾木桑城穿露骨山南入洮州境道阻隘釋馬徒行摩展留其黨守河州自將尾官軍韶力戰破走之河州復平連拔宕岷二州疊洮羌酋皆以城附軍行五十有四日涉千八百里得州五斬首數千級獲牛羊馬以萬計進左諫議大夫端明殿學士七年入朝又加資政殿學士賜第崇仁坊還至興平聞景思立敗於踏白城摩

展圍河州日夜馳至熙熙方城守命撤之選兵得二萬
議所向諸將欲趨河州詔曰賊所以圍城者恃有外援
也今知救至必設伏待我且新勝氣銳未可與爭當出
其不意以攻其所恃此所謂批亢擣虛形格勢禁則自
為解者也乃直扣定羌城破結河族斷夏國通路進臨
寧河分命偏將入南山羌知援絕拔柵去初思立之覆
師也羌勢復熾朝廷議棄熙河帝為之盱食數下詔戒
詔持重勿出及是帝大喜詔還熙州以兵循西山繞出

踏白後焚八千帳摩展窮蹙丐降俘以獻拜韶觀文殿學士禮部侍郎資政觀文學士未幾召為樞密副使熙河雖名一路而實無租入軍食皆仰給他道轉運判官馬瑊据官吏細故韶欲罷瑊王安石右瑊韶始沮於是與安石異帝語安石勉留之安石之役韶言決里廣源之建臣以為貪虛名而忘實禍因謂熙河事非其本意至以勤兵費財歸曲朝廷帝由是不悅以故罷職知洪州又坐謝表怨慢落職知鄂州元豐二年還其職復知

洪州四年病疽卒年五十二贈金紫光祿大夫謚曰襄敏詔用兵有機畧嘗夜卧帳中前部遇敵矢石已交呼

聲震山谷侍者往往股栗而詔鼻息自如人服其量子

十人

按東都事畧載詔九子

厚寀最顯厚字處道少從父兵間暢

習羌事官累通直郎元祐棄河湟厚上疏陳不可不聽

紹聖中用薦者換禮賓副使幹當熙河公事會羌酋轄

珍隆贊爭國河州守將王瞻與厚同獻議復故地元符

二年

按宋史哲宗本紀及轄珍傳降轄珍隆贊俱係元符二年宋史本傳作元年誤今改正

六月

師出塞七月下遼川降轄珍九月次青唐隆贊出迎遂
定湟鄯詔賜隆贊姓名曰趙懷德進厚東上閣門副使
知湟州既而他種叛合兵來攻厚不能支乃以畀懷德
而貶厚右內府率再貶賀州別駕崇寧初蔡京復開邊
還厚前秩於是羌人多羅巴奉懷德之弟希沙羅薩謀
復國懷德畏偪奔河南種落更挾之以令諸部朝廷患
衆羌扇結命厚安撫洮西遣內客省使童貫偕往多羅
巴知王師且至集衆以拒厚聲言駐兵而陰戒行羌備

益弛乃與偏將高永年異道出多羅巴三子以數萬人
分據險厚進擊破殺之唯少子阿蒙中流矢去道遇多
羅巴與俱遁遂拔湟州以功進威州團練使熙河經畧
安撫三年四月厚帥大軍次於湟命永年將左軍循宗
水而北別將張誠將右軍出宗谷而南自將中軍趨綏
遠期會宗哥川羌置陳臨宗水倚北山厚麾游騎登山
攻其背親帥強弩迎射羌退走右軍濟水擊之大風從
東南來揚沙翳羌目遂大敗羅薩以一騎馳去其母龜

茲公主與諸酋開鄆州降厚將大軍趣鄆州酋落施軍
令結以衆降遂入鄆州超拜厚武勝軍節度觀察留後
明年羅薩復入寇永年戰死羌焚大通河橋以叛新疆
大震厚坐逗遛降鄆州防禦使已而趙懷德約降未決
厚以書諭之懷德納款還厚舊官入朝提舉醴泉觀卒
贈寧遠軍節度使謚曰莊敏宋字輔道好學工詞章登
第至校書郎後以左道誅

薛向字師正以祖顏任太廟齋郎為永壽主簿權京兆

戶曹為邠州司法參軍夏人叛秦中治城侍御史陳洎
行邊向詣洎陳三敝言今板築暴興吏持斧四出伐木
無問井閭丘隴民不敢訴必不得已宜且葺邊城函關
秦東塞今西鄉設守是為棄關內乎三司貸龍門富人
錢以百年全盛之天下一方有警即稱貸於民非義也
洎上其說悉從之監在京榷貨務連歲羨緡錢當遷秩
移與其兄三司判官董沔議改河北便糴行鈔法洎曰
如此則都內之錢不繼茶鹽香象將益不售有司主沔

議既而邊糴滯不行汚坐黜以向知鄜州大水冒城郭
沉室廬死者相枕郡卒戍延安詣主將求歸視弗得皆
亡奔至則家人無存者聚謀為盜民大恐向遣吏曉之
曰冒法以赴急人之常情而不聽若輩歸此武將不知
變之過也亟往收溺尸貰汝擅還之罪衆入庭下泣謝
一境乃安又論河北糴法之弊遇穀貴則官糴於澶魏
載以給邊新陳未交則散糴價以救民乏軍食有餘則
坐倉收之此策一行穀將不可勝食朝廷是向計始置

便羅司於大名以向為提點刑獄兼其事入為開封度
支判官權陝西轉運副使制置解鹽鹽足支十年而歲
調畦夫數千向奏捐其數兼提舉買馬牧沙苑養馬歲
得駒三百而費錢四十萬占田千頃向請斥間田予民
收租入以市之乃置場於原渭以羨鹽之直市馬於是
馬一歲至萬匹昭陵復土計用錢糧五十萬貫石三司
不能供億將移陝西緣邊鹽中於永安縣向陳五不可
以為失信商旅遂舉所闕之數以獻尋坐事罷知汝州

甫數月復以為陝西轉運使凡將漕八年所入鹽馬芻粟數累萬民不益賦其課為最夏將鬼名山以綏州來歸青澗城主种諤將往迎詔向與議諤不俟命亟率所部出塞遂城之廷議劾諤擅興諤既貶向亦罷知絳州再貶信州移潞州神宗知向材以為江浙荆淮發運使綱舟歷歲久篙工利於盜貨嘗假風水沉溺以滅迹向募客舟分載以相督察官舟有定數多為主者冒占悉奪還俾詣本曹受遣以地有美惡利有重輕為立等式

用所漕物為誅賞遷天章閣待制熙寧四年權三司使
遷向右諫議大夫河北用兵縣官費不可計向未嘗之
供給及解嚴上疏乞戒將帥裁濫員汰冗卒省浮費節
橫賦手敕褒納進龍圖閣直學士遼人求代北地北邊
擇牧加樞密直學士給事中知定州高陽關募兵敵陰
遣人應選向諜知之遣邏捕取之械送瀛州戮於市北
使久留都亭數出不遜語而雲應點兵涿易治道僉謂
必渝盟向曰彼欲彊議速成故多張虛勢以撼我使者

懼不如其請故肆慢言以傲倖取成兵來不除道其亦無能為也已後皆如向言遷工部侍郎元豐元年召同知樞密院向幹局絕人尤善商財討算無遺策用心至到然甚者不能無病民所上課間失實時方尚功利王安石從中主之御史數有言不聽也向以是益得展奮其材業至於論兵帝所通暢明決遂得大用及在政也同列質以西北事則養威持重未嘗啟其端會詔民畜馬向既奉命旋知民不便議欲改為於是舒亶論向反

覆無大臣體斥知潁州又改隨州卒年六十六元祐中謚曰恭敏子紹彭有翰墨名中子嗣昌

章棨字質夫建州浦城人祖頻為侍御史棨以叔得集蔭為孟州司戶參軍應舉入京聞父封對於魏棄不就試馳往直其寃還試禮部第一擢知陳留縣歷提舉陝西常平京東轉運判官提點湖北刑獄成都路轉運使入為考功吏部右司員外郎元祐初以直龍圖閣知慶州時朝廷戢兵戒邊吏勿妄動且捐葭蘆安彊等四砦

予夏使歸其永樂之人夏得砦益驕案言夏嗜利畏威
不有懲艾邊不得休息遂乘便出討以致其師夏果入
圍環州案先用間知之遣驍將折可適伏兵洪德城夏
師過之伏兵識其母梁氏旗幟鼓譟而出斬獲甚衆又
預毒於牛圈豬水夏人馬飲者多死召權戶部侍郎明
年除知同州紹聖初知應天府加集賢殿修撰知廣州
徙江淮發運使哲宗訪以邊事對合旨命知渭州至即
上言城胡蘆河川據形勝以偪夏築二城於石門峽江

口好水河之陰二旬有二日成賜名平夏城靈平砦方
興役時夏以其衆來乘索迎擊敗之既而環慶廊延河
東熙河皆相繼築城進拓其境夏人睚視不敢動夏主
遂奉其母合將數十萬兵圍平夏不能克一夕遁去夏
統軍威明阿邁錫舒監軍瑪勒都爾伯皆勇悍善戰索
謀其弛備遣折可適郭成輕騎夜襲直入其帳執之盡
俘其家虜馘三十餘

按東都事
畧作三千

牛羊十萬夏主震駭哲

宗親御紫宸殿受賀累擢索樞密直學士龍圖閣端明

殿學士進階太中大夫案在涇原四年凡創州一城砦
九薦拔偏裨不間廝役至於夏降人折可適李忠傑朱
智用咸受其馭夏自平夏之敗不復能軍屢請命乞和
哲宗亦為之寢兵案立邊功為西方最時章惇用事案
與惇同宗其得興事頗為世所疑徽宗立請老徙知河
南入見留拜同知樞密院事踰年力謝事罷授資政殿
學士中太一宮使未幾卒贈右銀青光祿大夫謚曰莊
簡案七子緯綜綜綰綰綰綰綰最知名緯繇推官為

戶部員外郎提點淮南東路刑獄權知揚州兼提舉香
鹽事時方鑄崇寧大錢令下市區晝閉人持錢買物至
日旰皇皇無肯售絳飭市易務致百貨以小錢收之且
檄倉吏糶米以大錢予之盡十日止民心遂安未幾新
鈔法行舊鈔盡廢一時商賈束手或自殺絳得訴者所
持舊鈔為錢以千計者三十萬上疏言鈔法誤民請如
約以示大信上怒罷絳降兩官絳第進士歷陝西轉運
判官入為戶部員外郎中書侍郎劉逵之妻絳姊也逵

漸復元祐之政綽多贊之蔡京欲擠達且基綽不附已使其黨攻之出綽湖州論者不已差主管西京崇福宮及京復相遂與制獄傾章氏降罷除名者十餘人時論寃之

常秩字夷甫潁州汝陰人舉進士不中廢居里巷以經術著稱嘉祐中賜束帛為潁州教授除國子直講又以為大理評事治平中授忠武軍節度推官知長葛縣皆不受神宗即位三使往聘辭熙寧三年詔郡以禮敦遣

母聽秩辭明年始詣闕帝曰先朝累命何為不起對曰
先帝亮臣之愚故得安間巷今陛下嚴詔趣迫是以不
敢不來非有所決擇去就也帝悅問今何道免民於凍
餒對曰法制不立庶民食侯食服侯服此今日大患也
臣才不適用願得辭歸帝曰既來安得不少留即拜右
正言直集賢院管幹國子監俄兼直舍人院遷天章閣
侍講同修起居注仍使供諫職復乞歸改判太常寺七
年進寶文閣待制兼侍讀命其子立校書崇文院九年

病不能朝提舉中太一宮判西京留司御史臺還頗十年卒贈右諫議大夫秩平居為學求自得初隱居既不肯仕世以為必退者也後安石為相更法天下沸騰以為不便秩在閭閻見所下令獨以為是一召遂起在朝廷任諫爭為待從低首抑氣無所建明聞望日損為時譏笑秩長於春秋至斥孫復所學為不近人情著講解數十篇自謂聖人之道皆在於是及安石廢春秋遂盡諱其學

鄧綰字文約成都雙流入舉進士為禮部第一稍遷職方員外郎熙寧三年冬通判寧州時王安石得君專政條上時政數十事以為習安玩治當事更化其辭蓋媚王安石又貽以書頌極其佞諛安石薦於神宗驛召對帝問安石及呂惠卿以不識對退見安石欣然如素交除集賢校理檢正中書孔目房鄉人在都者皆笑且罵綰曰笑罵從汝好官湏我為之尋同知諫院獻所著洪範建極錫福論明年遷侍御史知雜事判司農寺時常

平水利免役保甲之政皆出司農故安石籍緡以威衆
緡請先行免役於府界次及諸道利州路歲用錢九萬
六千緡而轉運使李瑜率三十萬緡言均役本以裕民
今乃務聚歛積寬餘宜加重黥富弼在毫不散青苗錢
緡請付吏究治畿縣民訴助役詔詢其便否兩行之緡
與曾布輒上還堂帖中丞楊繪言未聞司農得繳奏者
不報凡呂公著謝景溫所置推直官主簿悉罷去之而
引蔡確唐垌為御史五年春擢御史中丞又加龍圖閣

待制遼人來理邊地屯兵境上聲言將用師於是兩河
戒嚴且令河北修城守之具綰曰非徒無益且大擾費
安石去位綰頗附呂惠卿及安石復相綰欲彌前迹乃
發惠卿置田華亭事出知陳州又論三司使章惇協濟
其姦出知湖州初惠卿弟和卿創手實法綰曰凡民養
生之具日用而家有之今欲盡令疏實則家有告訐之
憂人懷隱匿之慮無所措手足矣商賈通殖貨財交易
有無不過服食器用米粟絲麻布帛之類或春有之而

夏以蕩析或秋貯之而冬已散亡公家簿書何由拘錄其勢安得不犯徒使囂訟者趨賞報怨以相告訐畏怯者守死忍困而已詔罷其法遷翰林學士仍為中丞綰慮安石去失勢乃上言宜錄安石子及壻仍賜第京師帝以語安石安石曰綰為國司直而為宰臣乞恩澤極傷國體當黜又薦彭汝礪為御史安石不悅遽自劾失舉帝謂綰操心頗僻賦性姦回論事薦人不循分守斥知虢州踰歲為集賢院學士知河陽元豐中以待制知

荆南陳陝徙永興軍改青州奏言歲大稔斗粟五七錢
帝知其佞令提舉官酌市價以聞進龍圖閣直學士知
鄧州元祐初徙揚州言者論其姦改滁州未去鄧而卒
年五十九子洵仁洵武洵仁大觀中為尚書右丞

洵武字子常第進士為汝陽簿紹聖中哲宗召對為祕
書省正字校書郎國史院編修官撰神宗史議論專右
蔡卞詆誣宣仁后尤切史禍之作其力居多遷起居舍
人徽宗初改祕書少監既而用蔡京薦復史職御史陳

次升陳師錫言洵武父綰在熙寧時以曲媚王安石神
宗數其邪僻姦回今置洵武太史豈能公心直筆發揚
神考之盛德而不掩其父之惡乎且其人材凡近學問
荒繆不足以污此選不聽遷起居郎時韓忠彥曾布為
相洵武因對言必欲繼志述事非用蔡京不可京出居
外鎮帝未有意復用也洵武又為帝言陛下方紹述先
志羣臣無助者乃作愛莫助之圖以獻其圖別為左右
左曰元豐右曰元祐左序助紹述者執政中唯溫益一

人餘不過三四若趙挺之范致虛王能甫錢適之屬而
已右序舉朝輔相公卿百執事以百數帝出示曾布而
揭去左方一姓名布請之帝曰蔡京也洵武謂非相此
人不可以與卿不同故去之布曰洵武既與臣所見異
臣安敢豫議明日改付溫益益欣然奉行請籍異論者
於是決意相京進洵武中書舍人給事中兼侍講修撰
哲宗實錄遷吏部侍郎洵武疏言神宗稽古建官既正
省臺寺監之職而以寄祿階易空名矣今在選七階自

兩使判官至主簿尉有帶知安州雲夢縣而為河東幹
當公事者有河中司錄參軍而監楚州鹽場者有瀛州
軍事推官知大名府元城縣充濮州教授者散亂紛錯
莫甚於此謂宜造為新名因而制祿詔悉更之遷刑部
尚書又請初出官人兼用刑法試俾知為吏之方崇寧
三年拜尚書右丞轉左丞中書侍郎妖人張懷素獄興
其黨有與洵武連昏者坐出知隨州提舉明道宮復端
明殿學士知亳州河南府召為中太一宮使連進觀文

殿學士為大名尹政和中夏祭入侍祠以右神觀使兼侍讀留修國史改保大軍節度使未幾知樞密院五谿蠻擾邊即倣陝西弓箭手列募邊民習知溪洞險易者置所司教以戰陣勸以耕牧得勝兵幾萬人以鎮撫之遷特進拜少保封莘國公恩典如宰相宣和元年卒年六十五贈太傅謚曰文簡鄧氏自綰以來世濟其姦而洵武阿二蔡尤力京之敗亂天下禍源自洵武起焉李定字資深揚州人少受學於王安石登進士第為定

遠尉秀州判官熙寧二年孫覺薦之召至京師謁諫官李常常問曰君從南方來民謂青苗法何如定曰民便之無不喜者常曰舉朝方共爭是事君勿為此言定即往白安石且曰定但知据實以言不知京師乃不許安石大喜謂曰君且得見盍為上道之立薦對神宗問青苗事其對如曩言於是諸言新法不便者帝皆不聽命定知諫院宰相言前無選人除諫官者遂拜太子中允監察御史裏行知制誥宋敏求蘇頌李大臨封還制書

皆罷去御史陳薦疏定頃為涇縣主簿聞度母仇氏死
匿不為服詔下江東淮浙轉運使問狀奏云定嘗以父
年老求歸侍養不云持所生母服定自辯言實不知為
仇所生故疑不敢服而以侍養解官曾公亮謂定當追
行服安石力主之改為崇政殿說書御史林旦薛昌朝
言不宜以不孝之人居勸講之地併論安石章六七上
安石又白罷兩人定亦不自安漸解職以集賢校理檢
正中書吏房直舍人院同判太常寺八年加集賢殿修

撰知明州元豐初召拜寶文閣待制同知諫院進知制誥為御史中丞劾蘇軾湖州謝上表摘其語以為侮慢因論軾自熙寧以來作為文章怨謗君父交通戚里逮赴臺獄窮治會赦論不已竄之黃州方定自鞠軾獄勢不可回一日於崇政殿門外語同列曰蘇軾乃奇才也俱不敢對請復六案糾察之職并諸路監司皆得鈎考從之彗出東方求直言太史謂有兵變帝命宦者視衛士飲食定言一飯不足市恩適起小人心乃止或議

廢明堂祀帝以訪定定曰三歲一郊或明堂祖宗以來
未之有改誰為此言願治其妄帝曰聽卿言足矣遷翰
林學士坐論府界養馬事失實罷知河陽留守南京召
為戶部侍郎哲宗立以龍圖閣學士知青州移汝寧府
言者爭暴其前過又謫居滁州元祐二年卒公論惡之
舒亶字信道明州慈谿人試禮部第一調臨海尉民使
酒罍逐後母

按東都事畧
作逐其叔母

至亶前命斬之不服即自起

斬之投劾去王安石當國聞而異之御史張商英亦稱

其材用為審官院主簿使熙河括田有績遷奉禮郎鄭
俠既貶復被逮亶承命往捕遇諸陳搜俠篋得所錄名
臣諫章有言新法事及親朋書盡悉按姓名治之竄俠
嶺南馮京王安國諸人皆得罪擢亶太子中允提舉兩
浙常平元豐初權監察御史裏行太學官受賂事聞亶
奉詔驗治凡辭語微及者輒株連考以多為功加集賢
校理同李定劾蘇軾作為歌詩譏訕時事亶又言王誨
輩公為朋比欲並誅司馬光張方平范鎮陳襄劉摯帝

覺其言為過但貶軾詵而光等罰金未幾同修起居注
改知諫院張商英為中書檢正遺亶手帖示以子壻所
為文亶具以白云商英為宰屬而干請言路坐責監江
陵稅始亶以商英薦得用及是反陷之進知雜御史判
司農寺超拜給事中權直學士院踰月為御史中丞舉
劾多私氣焰熏灼見者側目獨憚王安禮亶在翰林受
厨錢越法三省以聞命下大理初亶言尚書省凡奏鈔
法當置籍錄其數目今違法不錄為大臣欺罔而尚書

省取臺中受事籍驗之亦無錄目亶遽雜他文書送省
於是執政復發其欺大理鞠尉錢事謂亶為誤法官吳
處厚駁之御史楊畏言亶所受文籍具在無不承之理
帝曰亶自盜為贓情輕而法重詐為錄目情重而法輕
身為執法而詐妄若是安可置也命追兩秩勒停亶比
歲起獄好以疑似排抵士大夫雖坐微罪廢斥然遠近
稱快十餘年始復通直郎崇寧初知南康軍辰溪蠻叛
蔡京使知荆南以開邊功由直龍圖閣進待制明年卒

贈直學士

蹇周輔字瞻翁

按東都事
畧作瞻翁

成都雙流人少與范鎮何郯

為布衣交年未冠試大廷不第鎮郯既貴達周輔始特
奏名再舉進士知宜賓石門二縣通判安肅軍為御史
臺推直官善於訊鞠鉤索微隱皆用智得情當有詔獄
事連掖庭掌寶侍史定司累月不能決乃命周輔度不
可追逮奏請以要辭示主者詰服之時以為知體及治
李逢獄竟臺臣雜治無異辭神宗稱其能擢開封府推

官出為淮南轉運副使盜廖思聚黨閩中多害兵吏改
使福建護諸將以討之恩遂降元豐初循唐制歸百司
獄於大理寺選為少卿遷三司度支副使先是湖南例
食淮鹽周輔始請運廣鹽數百萬石分鬻郴全道州又
以淮鹽增配潭衡諸郡湘中民愁困法既行遂領於度
支以集賢殿修撰為河北都轉運使進寶文閣待制召
為戶部侍郎知開封府事多不決授中書舍人不拜改
刑部侍郎元祐初言者暴其立江西福建鹽法培克欺

誕負公擾民罷知利州

按東都事
畧作和州

徙廬州卒年六十六

周輔為吏深文刻覈子序辰

序辰字授之登第後數年以泗州推官主管江西常平
易京西旋提舉江西常平繼父行鹽法為監察御史遷
殿中侍御史右司諫哲宗立改司封員外郎周輔得罪
以序辰成其惡降簽書廬州判官起知楚州提點江東
刑獄紹聖中遷左司員外郎進起居郎中書舍人同修
國史疏言朝廷前日正司馬光等姦惡明其罪罰以告

中外實狀彰著然蹤跡深祕包藏禍心相去八年之間
蓋已不可究質其章疏案牘散在有司若不彙緝而藏
之歲久必致淪棄願悉討姦臣所言所行選官編類人
為一帙以示天下後世遂命序辰及徐鐸編類由是縉
紳之禍無一得脫者遷禮部尚書與安惇看詳訴理事
以奉使遼國無狀黜知黃州閱四月除龍圖閣待制知
揚州徽宗立中書言序辰類元祐章牘傳致語言指為
謗訕詔與惇並除名勒停放歸田里蔡京為相復拜刑

部禮部侍郎為翰林學士進承旨有言其在先帝過密中以音樂自娛者黜知汝州二年徙蘇州坐縱部民盜鑄錢謫單州團練副使江州安置移永州會赦復官中奉大夫卒序辰善傳會深文刻覈似其父云

王廣淵字才叔大名成安人以進士為大理法直官編排中書文字裁定祖宗御書十卷仁宗嘉之英宗居藩邸廣淵因見昵獻所作文及即位除直集賢院諫官司馬光言廣淵交接奔競世無與比當仁宗之世私自託

於陛下豈忠臣哉今當治其罪而更賞之何以厲人臣之節帝不聽用為羣牧三司戶部判官加直龍圖閣帝有疾中外憂疑不能寢食帝自為詔諭之曰朕疾少間矣廣淵宣言於衆神宗立言者劾其漏泄禁中語出知齊州改京東轉運使章奏曾公亮王安石以方春農事興而民苦乏兼并之家得以乘急要利乞留本道錢帛五十萬貸之貧民歲可獲息二十五萬從之其事與青苗錢法合安石始以為可用召至京師御史中丞呂公

著論其舊惡還故官程顥李常又論其抑配掊克迎朝廷旨意以困百姓會河北轉運使劉庠不散青苗錢奏適至安石曰廣淵力主新法而遭劾劉庠故壞新法而不問舉事如此安得人無向背故顥與常言不行徙使河東擢寶文閣待制知慶州宣撫使興師入夏境檄慶會兵方授甲卒長吳達以衆亂廣淵亟召五營兵禦之達率二千人斬關出廣淵遣部將姚兕林廣追擊降其衆柔遠三都戍卒欲應賊不果廣淵陽勞之使還戍潛

欽定四庫全書

欽定續通志
卷三百四十八

里

遣兵間道邀襲盡翳之猶以盜發所奇旬兩利二年進
龍圖閣直學士知渭州廣淵小有才而善附會所辟置
類非其人非貴游子弟即胥吏輩至於濮宮書吏亦預
選已下詔切責卒年六十贈右諫議大夫元豐初以其
被遇先帝擢其弟臨為兵部郎中直昭文館子得君賜
進士出身

王陶字樂道京兆萬年人第進士至太常丞除太子中
允嘉祐初為監察御史裏行衛卒入延福宮為盜有司

引疎決恩降其罪陶曰禁省之嚴不應用外間會降為
比於是流諸海島主者皆論罰中貴人導煉丹者入禁
廷陶言漢唐方士名為化黃金益年壽以惑人主者後
皆就戮請出之陳升之為樞密副使論其不當升之去
陶亦知衛州改蔡州明年復以右正言召陶言臣與四
人同補郡獨兩人召請并還唐介李誨等英宗知宗正
寺踰年不就職陶上疏曰自至和中聖躬違豫之後天
下顛顛無所寄命文章抗疏請早擇宗室親賢以建儲

欽定四庫全書

欽定續通志

卷三百四十八

聖

嗣陛下順民欲而安人心親發德音錙為此舉中外搖
搖之心一旦定矣厥後浸潤稽緩豈免憂疑流言或云
事由嬪御宦寺姑息之語聖意因而惑焉使遠近姦邪
得以窺間伺隙可不惜哉既而韓琦決策遂立為皇子
英宗即位加直史館修起居注皇子位伴讀淮陽潁王
府翊善知制誥進龍圖閣學士知永興軍召為太子詹
事神宗立遷樞密直學士拜御史中丞郭逵以簽書樞
密宣撫陝西詔令還都陶言韓琦置逵二府至用太祖

故事出師劫制人主琦必有姦言惑亂聖德願罷達為
渭州帝曰達先帝所用今無罪黜之是章先帝用人之
失也陶既不得逞遂以琦不押文德常朝班奏劾之陶
始受知於琦驟加獎拔帝初臨御頗不悅執政之專陶
料必易置大臣欲自窺重位故視琦如仇力攻之琦閉
門待罪帝徙陶為翰林學士旋出知陳州入權三司使
呂公著言其反覆不可近又以侍讀學士知蔡州歷河
南府許汝陳三州以東宮舊臣加觀文殿學士帝終薄

其為人不復用元豐三年卒年六十一贈吏部尚書諡曰文恪陶微時苦貧其友姜愚樂施念陶奉母厚卹之捐數百千為之娶陶既貴尹洛愚老而喪明往謁之陶對之邈然聞者益薄其為人

王子韶字聖美太原人中進士第王安石引入條例司擢監察御史裏行出按明州留振獄

按宋史祖無擇傳作苗振

安石

惡祖無擇子韶迎其意發無擇在杭州時事自京師逮對而以振獄付張載無擇遂廢子韶出知上元縣遷湖

南轉運判官御史張商英劾其不葬父母貶知高郵縣
由司農丞提舉兩浙常平入對神宗與論字學留為資
善堂修定說文官禮部員外郎改庫部元祐中歷吏部
郎中衛尉少卿遷太常諫官劉安世言熙寧初士大夫
有十鑽之目子韶為衛內鑽指其交結要人子弟如刀
鑽之利又陷祖無擇於深文縉紳所共鄙薄豈宜污禮
樂之地改衛尉卿安世復言因彈擊而獲超遷是啟僥
倖也乃出知滄州入為祕書少監迎伴遼使御下苛刻

軍吏因被酒刃傷子韶及其子又出知濟州復以太常少卿召進祕書監拜集賢殿修撰知明州卒崇寧二年詔贈顯謨閣待制

